

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

乾隆福寧府志

中國地方志集成

福建府縣志輯⑫

乾隆福寧府志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 12, 乾隆福寧府志 /
上海書店出版社編. - 上海: 上海書店出版社,
2000. 10

ISBN 7-80622-424-6

I. 中... II. 上... III. ①地方志-中國②地方志-
福建-福寧縣 IV. K29

中國版本圖書館CIP數據核字 (2000)第 27759 號

docsriver 文川网
入驻商家 古籍书城

在文川网搜索古籍书城 获取更多电子书

重刊福甯郡志序

州郡之志責在守土之人
歷年既久板籍散亡議增
修則力有未逮聽棄置則
心有不妥不得已而補苴
之惟重刊為差善福甯舊

福甯府志

庚辰重刊序

一

為州之有志自前明隆萬
以來百餘年未有修者我
朝雍正十二年升州為府志
仍沿舊乾隆己卯年川西
李君拔來守是邦始重修
之竭數歲之力而成區為

十二門條分縷析一變舊

志之陋疆域中增海防一

條詳攷而為之說當是時

國家承平海氛靖息而李君

拳拳加意於海防其思深

其慮遠矣同治甲子余權

福甯府志

庚辰重刊序

二

斯郡求李君之志存本已
勘字畫又漫漶思增葺之
而不果去歲季春之閏奉
檄重来則原書僅存二三
部板已散失嗟乎余昔領
郡時至今十數寒暑耳而

遺失廢棄一至於此若復
數年併此僅存者而六上
之後之人雖欲徵文考獻
按山川之險要為牖戶之
綢繆又將何所依據乎集
紳士而商之僉以經費浩

大為辭又通修

文廟費已鉅萬勢難兼顧降思
其次乃有重刊之役以綿
前緒以貽後賢方策猶存
餼羊具在各守爾典慎固
吾圉庶亦有舉莫廢之意

歟原書多訛字別體勢不
能全改延友詳校擇其甚
者更正之疑者闕之不可
改者仍之校既竣即以原
書貼板付鐫潤澤修明俟
諸君子

光緒六年歲次庚辰仲冬
中憲大夫權知福甯府事
會稽張其耀撰



重刊郡志後記

余既籌款影刊郡志將付
雕都人士言於余曰原板
多魯魚之舛今參互而改
訂之勝於舊倍蓰矣顧其
中尚有關隘者不可以勿

福甯府志

重刊後記

一

正余亟請其說曰鄉先達

劉閣部中藻勝朝殉節之
名臣也向列諸忠義前太
守李公謂其抗拒

王師削而附諸祥異蓋屈抑
者百數十載於茲矣我公

扶持風教盡及時而釐正
之其雖竊維桀犬吠堯各
為其主

聖諭昭彰劉閣部仕明適丁陽
五艱難竭蹶始終一心其
馭軍有法士卒皆樂為用

福甯府志

重刊後記

二

尤能出奇制勝綜其生平
毫無遺議殉節後順治朝
將詔免進田產給留養弘雍正朝
詔修明史與錢肅樂鄭遵謙合傳
乾隆朝

賜謚烈愍

隆恩

曠典至再至三為臣子者應仰體
列祖教忠之至意悉力闡揚以厲

世而磨鈍敢以私意軒輕
其間乎遂允其請仍列忠
義加案語於祥異條並為

福甯府志

重刊後記

三

後記如右

福甯府志序

福甯界閩浙之交大海環
其南群山拱其北東西橫
亘瀟維千里秦漢為閩中
地晉稱溫麻唐置縣名長溪
隸泉州郡宋曰福安元升縣

福甯府志

曹序

一

為州是稱福甯屬福州路
明初改為縣後升為州統福
安甯德為屬邑

國朝撫有區夏海甸艾安隨地
制宜初因其舊雍正十二年
經國治官畫疆分壤視向之

建牧立監復參傳伍陳殿置
輔者晉秩為方而以分級之霞
浦福鼎壽甯併隸焉以而
責成重法守也

聖天子重熙累洽嘉惠允允教養
兼施網維具舉百數十年區

福甯府志

曹序

二

儒漸摩益藜樂利特歎盛
哉定方以來未有志即前州
志固修自前代神宗時者稽
今且二百年其詞沿革廢興
損益利弊版冊雖存於書缺
有洞矣哉丁丑蜀川李君來

守是邦政事克勤兼為博
採以舊志年遠弗詳見聞
湮失請增輯焉又明年庚辰
調任福州李君曰自我始之元
自我終之未敢後為鄰封事
也爰復精心校讎閱十有幾

福甯府志

曹序

三

月書成而李君適以憂去以
稟致于且請為叙予閱江文
通之言曰修史之難莫難於
志鄭漁仲謂志者憲章之所
賴必老于典故然後能為夫
訂古證今徵文考獻不博則

不該不約則不法不嚴則不公
與夫疑信相參繁畧互著考
均弗易言福甯一郡山有南
金霍童川有藍溪蘊江勝
槩可枚舉也印宦如王尹詹
揭諸公或治行卓尔或大節

炳然並堪不朽人物之盛如薛
令之楊復謝舉羽林莊敏諸
君子同人踵起表揚宜亟自是
志咸而綜核精詳是以允協天
時地利之宜禮樂兵農之大民
藝物則之繁建置輕重之故

燦然大備一按牘而稽如身歷
如指掌也李君去矣後之觀
政采風者苟有取焉是有功
於福甯可為去後思也為序

乾隆二十七年壬午九月吉

賜進士出身通議大夫福建提
刑按察使司按察使加三級
令署福建布政使司事新建
曹繩柱拜撰



福甯府志序

福甯去福州東北五百四十餘里界以重嶺環海三面形勢奇險為閩浙之左塞余庚辰秋奉命來閩司糧驛兼巡福州福甯二郡既考圖籍獨福州有志成於今

福甯府志

朱序

一

運使錢塘 徐公而福甯缺如詢之則自前明神宗癸巳歲迄今百七十年無繼修者時福州太守健為 李君先自福甯移守於此間言曾手輯之有草本未成子勸君必成之然以為福

州首十郡日夜治事不得休豈

暇及此我今年春君謂予曰某親老矣忽忽將告歸顧前所為福甯府志幸已成書請及今刻之以備遺忘余怪問其故何成之易也則君於聽訟決簿暇數

福甯府志

朱序

二

漏刻燭不假手於他人如是者十餘月而竣可謂勤矣出而讀之詳核賅善凡言形勝利病若道其戶內井竈覩縷繡無闕於口者偉哉真 李君一家言也昔太史公作史記歐陽子作

五代史司馬溫公作通鑑皆本
末條貫出於一手近之為書者
摠萃參伍無所折衷又志書往
往作於當事開館延客歷歲而
成帙前後舛迕者不可勝指若
君之勇於著述斐然獨繼百七

十年之緒刻期於歲月誠不可
及也君為官廉而愛人所在有
聲聞人不知織君始教之養蠶
樹桑行有利矣乃以憂去君喜
吟哦題刻徧山石其天性所好
異乎世之為吏者予尤嘉是書

之有功而成之獨勤也故為序
以告後之覽者

乾隆二十七年壬午仲冬月長
至後一日

賜進士出身福建糧驛道分巡福州
福甯二府兼管水利加一級紀

錄八次前

日講起居注官翰林院侍讀學士大
興朱珪撰

福甯府志序

志乘一書非第以備考核廣見聞已也自星辰分野山川疆理以及人才物產之類靡不詳稽具載則因天乘地宜民之政於是乎出福甯地轄五縣山海與

區宋元明以來人才代起迨我國朝承平日久德教涵濡蒸蒸日上人文日盛獨志乘則自前明中葉以後修者闕如其舊本所紀散漫荒略不足徵信前守郡劍南李公以己卯歲來蒞茲土

整躬率屬凡農桑水利教化諸

事纖悉必舉尤念志書為政治

沿革損益之原毅然以為已任

博採廣詢網羅散失草稿甫就

旋以善最調任福州治務滋劇

初志不輟公餘退食即取一編

而釐訂之閱三載而志書始成出以示余余自庚辰來福甯代公守郡軫迹所經自郡城而郊野而屬邑見堆堞之巍然者僉曰此前守所封之築之者也水泉之汨然者曰此前守所疏之

濬之者也嘉木之蔚然者曰此
前守所培之植之者也見民之
溇樸士之秀良者曰此前守所
教之誨之者也方念 公典郡
年餘何以經理有條若此今觀
是書而知 公之措施輒效者

皆其察人情權土俗孳孳不倦
之所致也夫為政者因民治民
則通以我治民則格故五土之
劉柔異質即政治之張弛異宜
志乘既修則地利之肥瘠民情
之溇澆物類之生耗釐然在目

順其勢以導之而政次第舉矣
余甚喜是書之作我景行而得
以師 公之嘉績也若夫著述
之善詳而居要簡而能精則
公之苦心獨造堪垂不朽自為
有識者所共賞余又奚贅乎哉

乾隆壬午仲秋中憲大夫知福
建福甯府長白額爾金泰撰



福甯府志序

紀載之書所以傳信志乘其要
焉古今所稱風俗通寰宇記汝
南先賢襄陽耆舊等書不過史
氏之一隅而其文簡要其事精
覈識者建之沿及近世郡邑之

間志乘大備前明如王公慎中
趙公時春具有傳書康對山先
生武功一志尤推鴻寶要其所
長皆以簡要精覈為主福甯閩
越奧區瓊流襟帶翠嶽揖讓珎
木蔚蒼磅礴鬱積之氣鍾為人

傑接踵比肩於其間蓋

聖世承平涵濡沐浴百有餘年海隅
山陬亦蕃然而成都會矣雍正
十二年大吏請於

朝升為府其地畝則由狹而廣其
戶口則由寡而眾其物產則由

嗇而豐其賦役則由簡而繁蒞
斯土者志乘之作莫先於此歲
已卯劍南李公來守是郡進
舊志而稽之散漫闕畧自明中
葉以後未有舉之者大懼典型
放佚載籍濶踈爰集諸生延耆

舊朝攷夕究以采以輯閱再期
而始成時余方館於嵩山太守
嘗就商於余因得請而觀之深
喜是書之簡而要覈而精也余
曩時輶車四出周歷萬里所過
郡邑咸以志乘來質其完書固

多然亦有以遠望名山川以淫
祠列祀典以訛傳飾古蹟以別
籍入土著附會假借未嘗不心
怪之載觀是書提要必簡考覈
必精其事其文兩得之是足以
傳信矣抑余更有感焉今者太

守已移官福州視福甯直鄰封
耳視福甯事直後人事耳而太
守緣書自己作必欲成之絕不
以居官為傳舍是則太守行誼
之高為不可及也上比古人豈
獨在此區區文字間哉

乾隆二十七年歲序壬午孟夏
月上浣之吉

賜進士出身儒林郎翰林院編脩辦
院事提督陝西廣東湖南三省
學政甲子科廣西鄉試正考官
錢塘吳嗣富撰



福甯府志序

福甯古溫麻地也其太姥白鶴諸名勝為東南最又瀕於海極臨觀之美賢士大夫生於此遊於此仕宦於此者咸相與擬諸形容紀之篇什余竊心焉慕之

福甯府志

徐序

然遠在海隅道途來往非傳舍所必經山海之大登臨之樂終以不獲一覽為恨昌黎有言倘得一至其處竊寄目償所願焉余亦抱此志久矣乾隆己卯隄為李君峨峰以名進士來守

是郡政通人和百廢具理因舊

志殘缺遂舉而修之事未集又移官福州太守不欲以垂成之功虧於一篲又不欲以當官之事諉諸後人迺携而之新任手披口授是斷是度如是者三載

福甯府志

徐序

書乃成出以示余余維郡有志亦鄉國之史所闕匪細其賢才之生後之人所由驗盛衰也其都邑之建後之人所由稽沿革也其戶口之算後之人所由計贏縮也其物產之宜後之人所

docsriver 文川网
入驻商家 古籍书城

在文川网搜索古籍书城 获取更多电子书

由徵蓄聚也其城郭祠宇廨舍
闕梁之分布後之人所由原其
始而要其成也作者詳或失之
濫簡或失之略私或失之去取
不得其當如是志法廢矣載觀
是編繁簡取舍各得其則豈不

洋洋乎大觀也哉公餘休暇陳
而觀之皎若列眉燦然在目如
立我於太姥之上飄然欲振衣
而御風如置我於大海之濱浩
然欲浮槎而破浪誠足以當卧
遊矣宿願亦藉以一慰也遂書

而弁諸簡端

乾隆壬午仲秋

賜進士出身中憲大夫署福建按察
使司鹽法道加三級紀錄二十
次錢塘徐景燾撰



福甯府志序

夫志者紀事之書實致治之書也古人有不敝之心乃有不敝之政因以成不敝之書禹貢周禮左國史漢其皆古志之流乎晉魏而後風俗寰宇先賢者蘊

福甯府志

李序

作者繁興郡縣因以作志雖轉相祖述已成習徑然而別類分門旁搜遠紹凡制度之沿革政教之張弛戶口之登耗人才之盛衰靡不權輿於是蓋其重哉我

皇上位育中和典章明備教養興禁

定為課最猗欵威哉至治之極軌也閩省在京師東南萬里沐浴

聖化比於鄒魯福甯溫麻故地密邇省會設府以來統屬五縣列於

福甯府志

李序

二

十閩聲明文物與福州埒而撫茲志乘抱殘守匱曾無過問甚非所以傳瀉烈而昭來許也乾隆己卯之春余奉

命守郡將欲興衰舉墜取州志而披閱之已成殘篇蠹簡自前明隆

萬以後未修者一百六十餘年
悵望河山長空浩浩欲問遺事
而故老無存為太息者久之爰
日督諸令長治城垣修水利勸
農桑興教化又以其暇日集郡
邑諸生徵文考獻網羅散失期

年之間事既成理稿亦粗就方
欲刪繁削複勒成一書而已調
任福州矣福州故繁劇簿書期
會倥傯旁午握管欲書而中輟
者數四每夜闌燭跋意倦神疲
猶賈勇為之如是者再逾年而

府志乃成夫所貴乎志者非徒
誇富麗侈靈輿之謂實有不救
之道無窮之治焉昔余為諸生
時嘗遐稽遠覽謂人之治天下
如治其家然田園廬舍糗糧儲
蓄宜周知其處而預為之所每

怪長吏緣飾文誥張皇訟獄而
教養大政闕焉弗舉又或竝其
獄訟而荒之安能有餘及於他
政故夫志之不可以已也非為
俗吏設也以郡邑之大人民之
衆將欲正本清源興舉大政周

知其故而敷錫之舍此固無由耳曩者余在楚北嘗三任縣令一佐郡治所至輒披覽志乘講求利弊凡諸興除媿媿若家人事長陽一志於物產水利學校倉儲紀載特詳自序謂長邑編

小如窶人子自數家珍雖涉蕪陋未足為愧夫布帛菽粟原以適用為貴苟有益於民生佳麥良蠶皆登寶錄豈必爭奇鬪巧始畫作志之能事乎今且覩然作郡矣既以治家者治邑即以

治邑者治郡非有二也甯地濱海其士樸而民淳徒以生計微薄利源未啟民性未復雖早夜勤思多方董勸而有司奉行未能即達自視所為不如作令時遠甚然私心自矢結習未忘每

巡行屬邑遇水泉流行必曰此可以資灌溉藝黍稷者也遇山原高廣必曰此可以教種樹供蠶織者也遇官民積貯必曰此可以謹蓋藏備旱潦者也至於士女廉貞子弟俊異又必曰此

可以升揚孝秀振起頑懦者也
凡所為均其蓄洩課其勤惰權
其豐凶樹其標準者一一經營
而未敢安即今含毫濡墨心遊
目想滿志躊躇樂且忘倦雖復
一家非之一國非之豈有悔哉

嗟乎一日之志千世之治所由
傳千世之治所由啟也井疆猶
是婦子依然前人為之而效後
人為之而亦效政以人立道不
虛行此物此志耳惟是力小任
重地廣才疎甫試鉛刀旋即更

調不獲與都人士共相砥礪導
揚至治中心繾綣曷其有極所
冀後之君子策勵壯猷潤色鴻
篇補所未逮使山川草木亦煥
然炳蔚以仰贊

聖天子隆平之治而成不刊之書則

治法道法一以貫之豈直與汝
南襄陽等編同備一方之見聞
已哉時

乾隆二十七年壬午閏五月

賜進士出身中憲大夫前知福建福

甯府事今調福州府知府兼理

海防隨帶加三級紀錄八次創
南李拔誤於榕城官署



福甯府志


李序

九

福甯府志
卷首圖


閩郡全圖






福甯府志



卷首圖





福甯府志

卷首圖











福甯府志

卷首圖

十

郡守李拔贊曰堂堂甯郡閩浙之濱十州屏障五邑星
 陳海天重鎮澤國要津山川盤錯都鄙紛綸館垣碁布
 斥堠雲屯舟車所至教化斯鈞流傳有象章被無垠蒸
 黎食德草木含醴民長庶且嶽永降申載登仁壽萬古
 同春

舊志序附

正統福甯縣舊志序

志者記也凡邑之建置沿革與夫星野疆域山川道里城池
 官蹟人物風俗賦稅物產無一而不記焉邑之前輩嘗修
 矣草率一時未及鏤梓流傳未廣抄錄者又未免魯魚亥
 豕之訛久而失真元季兵燹泯沒罕傳間有存者又多殘
 缺文義不可曉憲常以是為病竊欲修之而年衰力憊僻
 居一隅以有限之聞見而欲通知一邑之事實抑又難矣
 故欲為而中輟者數次然于心有所不忘乃取永樂戊戌

福甯府志

卷首

舊志序附

所修志藁并掇拾殘編斷簡斷以己意而增損之輯而成
 志釐為五卷名曰福甯志其中缺略者衆固不足為全書
 尚希後之博雅君子廣蒐博採補其疏遺訂其差謬梓以
 傳之俾後人觀覽山川道里景物出產之富文人學士忠
 臣孝子之行宛然在目以致其景行之慕磨世礪俗施之
 無窮豈曰小補之哉正統乙丑五月望日訓導南全鄭憲

隆慶福甯州舊志序

志兼二屬色今獨冠以州總其綱也目凡十卷十有二篇

者嘉靖戊戌志方開局子適之遂昌州尹謝公廷舉留定
章程辭而去未與編摩偶有見聞心輒動如夙負者丙寅
孟冬辱分守毅所黃公在顧以修志請繼病風邪新瘥不
任勞明年隆慶改元暮春復申前議惻惻款款予不敢辭
且藉此可酬夙負也幸林甥肖雲分任之未幾黃公改官
同知王公守中以黃公命督梓以趨兩臺之檄工幾中廢
分守月渠李公下車聞之曰郡志猶國史可以勸懲資治
莫先於此請亟成之毋負毅所公意繼惟此土與天地並
有今古一也生於斯食土之毛亦一也同此簞食或則爲

福甯府志 卷首 舊志序附 二

仁者之粟歸諸山川發祥鄉族附麗以爲榮易世之後猶
能係人懷想或則若靡此五穀者山川蒙垢不齒於其鄉
甚者子孫有遺辱焉無他材不材殊耳夫材不材者質也
善與不善者其歸也終焉入月旦之評是非而低昂之其
公論也我不得與焉善不善之跡人共見聞有志之士反
鑒內省擅擇山石種種勸懲之助取諸見聞爲多數卷圖
經卽在吾心無庸授我彤管模寫之皇皇也人有潛德不
求人知人有隱慝惟恐人知指摘揭於昭昭古人謂之淫
田漁亦謂之銀鍊吏故勉成此書蓋不得已焉耳或疑自

戊戌有志可以勸懲矣而材與不材如故也以是非代
賞吾將過其逸志而卒無益於勸懲厲世之計亦窮矣夫
都志爲勸懲以行吾之志豪傑無所待而興有待而興殆
人心不死之良也吾不可以中人自處矣乎始事之日林
甥議舊志四卷中分爲二以前半山川來屬而自顧人物
後半山川無改於舊抄錄舊志而列其勝以表之發几起
例林甥之功居多子特盡出其平日所記就正刪削而補
正之六閱月事竣福安國子生劉元士甯德庠生薛孔洵
皆以黃公命召至邑經多故續增事蹟其所草也隆慶一

福甯府志 卷首 舊志序 三

年國子助教州人盛繼撰

嘉靖福甯州舊志序

福甯舊爲縣爲州代有沿革至我朝仍與福安甯德並縣
隸福州府成化九年用守臣議復陞爲州而以福安甯德
隸焉州與福興泉漳延建邵汀釐爲九路直達于藩臬魏
然東北一巨鎮也舊各有志不相聯屬或失之疎失之誣
失之私失之煩亂改州以後缺而不修覽者病焉嘉靖庚
寅儀真姜侯猷溪來州治事嘗欲會萃考訂以備一方見
聞間以語予未幾以事去而予亦連服草土中於今又八

docsriver 文川网
入驻商家 古籍书城

在文川网搜索古籍书城 获取更多电子书

年矣天啓斯文彬陽中洲謝侯憫文獻不足一意斯舉適
檄學正篁洲陳君訪于二邑以訓導蘭莊閔君勤其事凡
例遵一統志其義則取自中洲凡一州二邑之天時地利
人事王制罔弗備焉書成以予州產屬序予惟古者天子
諸侯皆立史職掌記事而志斯昉若尚書則王國之志也
詩列國風春秋左傳國語之流則侯國之志也夫子悼杞
宋無徵而不敢言禮則侯國之志於是乎亡矣班固作漢
史自天文地理以至刑法溝洫咸爲立志而選舉用兵政
之大者乃反遺焉則王國之志於是乎略矣至孔明治蜀

福甯府志

卷首

舊志序

四

衆務蠲舉而不立史官徒使陳壽檢拾於散逸之餘以附
魏吳則併志之職而俱失矣今之郡縣固古之侯國也本
朝雖不別立史職而志未始禁是故有專志以志郡縣有
通志以志直省有一統志以志天下然後裁而成之以備
一代之史是故志天時有分野災祥焉志地利有形勝山
川水利土產津梁坑冶景物焉以志王制有建置沿革疆
域城池鄉都戶口田賦公署學衛防守官坊壇廟秩官科
貢薦辟恩例武功焉以志人事有風俗邱墓古蹟名宦人
物文籍焉寺觀仙釋異端不列入以示君子闕邪衛正焉

中洲之用心也大矣夫天生時而地生財父生而師教之
君用之然則用天時地利人事王制以正乎一州二邑通
乎國史者不將自此始哉嘉靖十七年戊戌十月進士出
身廣東韶州推官前監察御史巡按江西郡人陳夔序

萬歷福甯州舊志序

余自業諸生卽好觀海內圖經慨然曰嗟乎聖王之政要
以裁成輔相周官小史外史之職當亟講矣郡國無志則
記載不明何以表次舍而察妖祥知險塞而稽事實官材
風土漫漶無徵雖欲爲政不可得也余不佞由戊子賢書

福甯府志

卷首

舊志序

五

己丑釋褐承乏福甯福甯介在江海間周覽歷跡訪問志
乘知已燬於火諸事蕪闕余方蚤夜劬勞未遑今年諸廢
稍葺以修志事請諸當道報可開局延州搢紳先生林紹
本鄭磐張鳳南暨鄭春元鄭玉沙任纂修事而分命諸生
以次編集適游公少淵榮轉湖藩錦旋梓里又加綜覈較
昔爲備不佞亦不敢辭僭踰焉既編次釐爲十卷曰輿地
曰營繕曰兵衛食貨曰歷官曰選舉曰名宦曰人物曰藝
文曰雜記取材富麗各有攸屬爰付諸梓而序之曰州在
漢最號僻遠晉末中原之士指爲避亂之藪卽有嘯聚不

過山寇旋發旋定國初始建三里之城成化九年改邑爲
 州轄縣二漸致增設厥後島夷雲擾海警頻仍至嘉靖壬
 戌而城濠高廣關隘嚴密稱巨鎮矣夫兵之設以衛民也
 兵制詳則民生安乃按舊籍州在勝國時以戶計者二萬
 一千有奇二百餘年而所存僅四之一何也夫山川形勢
 不攻於前營繕嗣宇幾倍於曩人才輩出循良迭見非復
 當時溫麻之陋而獨戶口弗益豈遷業者多抑剪創實甚
 耶守土者滋大思焉天有遺警故災害日侵地有遺利故
 水土日瘠民有失職則農桑日誦三者皆由志不立上之

福甯府志

卷首

舊志序

六

人無所知其利病以裁成而輔相之也所關顧不重哉余
 愧謝劣無裨是書然細大畢舉繁穠盡削俾後之吏茲土
 者有所規撫不詭於正則是書也卽以備國家外史之採
 取也亦無不可萬歷癸巳孟冬進士出身奉直大夫知福
 甯州事古鄞史起欽撰

修志姓氏

監定

福建糧道分巡福州府兼管水利朱 珪字石君順天大興人乾隆戊辰進士

總纂

福甯府知府兼理海防李 拔字清翹號敬峰固拔川隸爲人乾隆辛

未進士

監修

福甯府知府 府額霖正黃旗戊午舉人

福州府糧捕通判署甯德事郎 昭奉天隸黃旗人

福甯府志

卷首

修志姓氏

七

福甯府通判署福鼎事馮拭衷浙江義烏人貢生

分編

原任霞浦縣知縣胡世鈺浙江餘姚人

現任霞浦縣知縣魏象烈陝西蒲城人

福鼎縣知縣胡建偉廣東已未進士

前任福安縣知縣程志洛江南上元貢生

現任福安縣知縣張金蕙江蘇寶山人

前任甯德縣知縣楚文暉陝西南鄭人

現任甯德縣知縣鍾文標江蘇寶山人